

然及其成  
功一也

### 使我介然章第五十三

使我介然有知行於大道唯施是畏大道甚夷而民好徑朝甚除田甚蕪倉甚虛服文采帶利劍厭飲食資財有餘是謂盜夸非道也哉

執夫事而必於用舍夫正而趨於邪治其末而失其本厚其身而肥其家是皆自盜其所有乃不知惜而仍夸嘆渡海駕橋終費力好花無實謾逢春莫將捷出矜才智盜取吾家無價珍

### 善建不拔章第五十四

道藏輯要

道德真經章句訓頌

三

心集五

川口上

善建者不拔善抱者不脫子孫祭祀不輟修之身其德乃真修之家其德乃餘修之鄉其德乃長修之國其德乃豐修之天下其德乃普故以身觀身以家觀家以鄉觀鄉以國觀國以天下觀天下吾何以知天下之然哉以此

創業惟艱守成不易宗廟饗之一世萬世身修家齊德效之始鄉國天下推之而已修真存神修仙養氣小而蛇魚大而天地一視同然孰外乎此噫兔殺烏烹死不還寶珠深螫海無瀾若何識得靈通破好向魚龍化處觀

### 含德之厚章第五十五

含德之厚比於赤子毒蟲不螫猛獸不據攫鳥不搏骨弱筋柔

而握固未知牝牡之合而峻作精之至也終日號而嗑不噉和之至也知和曰常知常曰明益生曰祥心使氣曰強物壯則老是謂不道不道早已

五畫純陽未六時乾元獨用一嬰兒死形可見何傷害有祖深潛要執持和在精中甯待姤常而明處本非離自然妙得長生理久候抽添莫強為嘆陽德為乾五畫皆天陰存二四

自然而然赤子之用精悉之全自無死地物何傷焉陰存不

感陽健彌堅性不聽命何千萬年

此修煉存陽神之方也自天一生水至五生土乾五

畫純陽之用六則地成一陰形矣存而不用外之也然合而言之六數為陰析而言之則又為一數陽復於是終而始也二四為陽中之陰用而不用者也姤則一陰在下離則二陰居中故深絕之精和之至常而明者皆純乾獨用之效所謂

### 道藏輯要

道德真經章句訓頌

三

心集五  
又三

神光一點自照終始細入毫毛大超天地炯然長存洞知洞視者也

### 知者不言章第五十六

知者不言言者不知塞其兌閉其門挫其銳解其紛和其光同其塵是謂玄同不可得而親不可得而疏不可得而利不可得而害不可得而貴不可得而賤故為天下貴

子綦隱几回也如愚迦葉微笑異途同歸無人我想親疎何殊死貪懼想利害何施無榮辱想貴賤何拘默識直悟希夷而微是謂良貴斯天之徒嘆收斂神光寂似無眾人皆醉噉其醜箇中識得死同妙活捉神龍任汝騎

### 以正治國章第五十七